

道神足無極變化經

卷一

百卅八  
被八

48162

11



元祿七年四月二十日重脩

皇國聖蹟

佛日增輝 轉輪常轉

山城州天安寺法金剛院置





道神足無極變化經卷第一

西晉安息三藏安法欽譯

被

聞如是一時佛遊於忉利天上在巴質樹下  
紺瑠璃石佛坐其上為母說法盡夏三月與  
大比丘僧眾俱比丘八千皆得羅漢諸垢已  
盡神足備具能在所作為菩薩七万二千人  
神通已達皆得陀隣尼悉知一切人心之所  
行所欲自在徧至諸無央數佛刹時佛與無  
央數之眾眷屬圍遶而為說法今時諸天眾  
中有二天子一名曰月二名曰月星天子在  
眾會中坐於是月天子從座起更整衣服前  
下右膝叉手長跪白佛言願欲說者今欲所



問佛言恣所欲問於是月天子踊躍即說偈  
問佛言

爲一切大悲 純厚而得前 立之得至道

甚淨於甘露 既已得自安 滅除諸垢穢

復能安一切 是故願欲問 於無數劫中

所行甚勤苦 悉捨諸所有 布施無厭足

爲一切等心 等憂於衆人 今願用是故

欲問人中尊 其有見佛身 衆好自莊嚴

皆發踊躍意 所得因福田 廣長無邊際

無量過大海 是故今欲問 其德無過者

亦無有異意 復無有異心 三界將中雄

了知一切念 其身所當行 未曾隨他人

是故今欲問  
歎譽及毀謗

於世之大智

若有德無德

皆知世八事

有名若無名

若苦及與樂

已離於諸畏

分別而具了

是故願欲問

於是無增減

復護一切人

自身等無異

不疑無瞋恨

三界皆悉亦

有慈於他人

布施與持戒

是故願欲問

持行譬如地

終不犯於戒

其心甚清淨

寧自歿身命

是故願欲問

如身口所行

意亦復如是

堅立而自損

過度於世者

忍辱調其意

諸好惡瞋恚

是皆智所造

悉見勤苦處

所為皆辯說

一切皆能忍

是故願欲問

精進力甚強

超越於諸義



爲世作勤苦  
如駛流入海  
於是諸欲事  
皆悉能降伏  
是故願欲問  
已度無所樂  
若在於空閑  
別於俗而作  
從是到他刹  
於佛亦無想  
是時魔皆來  
衆魔皆自壞

未曾自爲身  
是故願欲問  
三界不復爲  
禪旬皆已具  
人中之猛雄  
劫劫諸惡事  
自在知諸法  
神足功德智  
不譽慈心想  
是故願欲問  
悉共大聚會  
於是降魔已

晝夜常仍求  
其德知與天  
一切諸恩愛  
神足亦復然  
於是大智慧  
皆悉爲捨離  
是故願欲問  
滅諸不可行  
供養於諸佛  
愛世人示現  
即以道法力  
自致道乃成

是故願欲問

其功為最勝

一切任於地

金座地涌出

即時逮覺道

佛智不可量

便起到他處

皆悉解諸義

是故願欲問

人中之最上

一切智功德

為尊中復尊

已得如佛意

如法說經行

合會為已度

導師為一切

以故問其義

三界皆蒙恩

於是月天子說偈讚佛已白佛言世尊云何

菩薩摩訶薩逮大神通智之特得最度無極

云何菩薩得不可思議善權方便得知他人

心之所議云何菩薩得知一切法為一行為

一味為一入為一教說云何得智自恣為他

人說云何菩薩得甚深戒不有放逸行自致



無上正真道而不離佛所問如是世尊願爲  
解說之佛告月天子善哉善哉天子欲習如  
來業欲被大僧那僧涅欲入大戰中作大導  
師欲度一切欲作大船欲轉大法輪欲作大  
布施欲作大法身欲作大法雨欲然大法火  
欲擊大法鼓欲舉大法幡欲說大法界欲放  
大法聲欲治大法英欲現大法智欲斷邪見  
祀祠欲建立滿大祠乃欲作如是狀貌不可  
計數事乃爲一切故持是義以問如來佛語  
天子諦聽諦聽善思念之吾當爲汝說之菩  
薩摩訶薩得大智至甚深微戒自致無上正  
真之道成最正覺如是天子聽佛世尊所說



於是月天子與諸大衆叉手受教而聽佛語  
天子菩薩有四事法逮得第一差別大通之  
持何等爲四一者得知一切法狀貌無所增  
減二者求索一切法三者一切法無有盡得  
定安隱得學之證四者不見一切諸法離於  
法性者不於餘法界有所悌望而想視是爲  
四事云何天子知法之狀貌知過去亦空當  
來亦空今現在亦空諸所有亦皆空如空如  
是天子長坐三昧索空各不知處是名爲悉  
了知如是天子知是處名爲分別曉了曉了  
諸法便持轉相教授是處知處造立處分別  
處如是處解義處展轉相傳是名曰功德如

是天子云何得一切法法亦不想我我亦不  
想法法起則起法住則住天子一切法如是  
是我所非我所悉已無菩薩如是者為轉前  
為轉前者便不復樂起滅處所以者何諸所  
有無所有故於無所有於餘法而思惟雖思  
惟不於餘法有所學亦不有所說亦不有所  
住雖於餘法作大明於法亦不為亦不學如  
是天子云何菩薩得知諸法等如虛空心天  
子造作三界如是天子心無有形亦不可見  
無住止處亦不可知如幻是心心法求心亦  
不可得如是心心法求心了不可得是心復  
不可知如是心一切法亦不可得復不可得



持法了無所有視諸所有審如化如影如是  
知一切法已爲過已過者一切諸不學而自  
知如是知諸法等如虛空如是天子如虛空  
不可見亦無有生亦無有長者知一切諸法  
亦復如是如是虛空亦如虛空寂而淨如是  
諸法亦寂而清淨如是天子云何菩薩得知  
一切諸法法性如是天子菩薩作是學諸法  
亦不見亦不可得眼亦不見耳耳亦不知耳  
耳亦不見眼眼亦不知眼鼻鼻亦不見舌舌亦  
不知舌舌亦不見鼻鼻亦不知鼻鼻亦不見  
身身亦不知身身亦不見意意亦不知意一  
切諸法若行若住法當云何而等知法性爲

在所如是眼見知分別於法不言是不是可  
不隨以是故得知常住處亦不於法作衰所  
以者何外亦不入內亦不受於衰不衰當作  
如是知如是見亦不於法有所生有所住如  
是住為悉見如是天子是為法性如是法性  
亦不起亦不滅於是處無所有然復現諸法  
以住無所生無所起是止處如是審諦如當  
眼所見智亦不於法性亦無所脫而興  
隆而住止彼諸法法性以畢定如是天子是  
為四事法菩薩得大神通智之特得最度無  
極如是天子云何為神通云何為智天子神  
通者於一切諸法要義悉知彼一一之智皆



爲了是故天子名爲神通於一切諸法而自  
知我我名天子我者而不佞是爲法點如是  
天子菩薩用是故疾得大神通之特智於所  
願而無厭所以者何欲滿所願故如是智天  
子過於人眼逮得天眼淨悉見十方不可計  
無央數億千萬諸佛刹中於諸刹中見諸佛  
世尊及諸弟子衆持天耳悉聞諸佛世尊所  
說法皆悉聞知諸佛刹土中一切人民學不  
學上中下事皆悉了知能持神足遍遊到諸  
佛刹悉知前世無央數劫中所更索知一切  
人意中所念所從來生本末皆悉逮知持是  
智以自證便能爲一切說法如是智天子菩

薩摩訶薩逮得一切智佛所任者皆得任疾  
逮得諸佛法成無上正直真之道最正覺佛尔  
時便說偈言

於是大神通

悉為已滿足

善權之所施

見則功德相

如是皆從一

悉了知諸法

甚深淨戒德

亦皆由是致

以如是之故

皆悉知諸法

終不於是行

念有踰過者

一切諸所有

其法亦如是

譬之如虛空

法義無差特

於是審諦法

尔乃得見法

不疑於法界

用是曉了知

不以服法故

而悉具足知

分別而曉了

自致得神通

其諸過去法

皆悉為虛空

諸有當來法



亦復無所有

今諸現在法

亦等悉如空

如是所見者

一切皆同等

是三世諸法

皆悉如虛空

亦非是我所

亦不非是我

以自知一生

一切亦復爾

如是諸所見

便為得轉信

於彼如是知

功德不復同

為一切說法

亦不慙於法

亦無有恚恨

不言是與非

亦不有所疑

亦復無所學

其已如是者

便為立諸法

於是諸所習

為皆無有餘

於是無餘法

諸法皆悉爾

亦不於異法

而復有所見

如是亦不生

亦不為復有

於是無所入

亦復無所得

便為逮得德

為一切說法

普演於法義

於道無所念  
心已如是者  
其像亦如是  
若有於是法  
心亦不見法  
心已如是者  
無能黠法者  
一切未成法  
常住無增減  
其已如是者  
而有所作為  
眼亦不見耳

其心於三界  
為都不可見  
於法有所求  
欲求索其心  
其於如是心  
悉已見諸習  
諸所有思想  
我當悉辯之  
譬若如虛空  
為見一切法  
如是名為好  
耳亦不見眼

為已甚佳快  
無色若如影  
其心為已止  
法亦不見心  
心而復求心  
諸法亦如是  
不能作妨礙  
其法如虛空  
所生無所有  
亦不於虛空  
諸法亦如是  
舌亦不見鼻



鼻亦不見舌 身亦不見意 意亦不見身  
各各在其處 處處不相見 若從他人聞  
或自從已知 如是而悉能 爲人說法界  
法界如是者 乃爲悉平等 六衰不知我  
我亦不知衰 如是皆悉知 所學諸法事  
學已如是者 其慧無有量 爲悉見十方  
無數億千佛 及學弟子衆 尊說法悉聞  
其有於是法 廣普爲人說 於是無量慧  
爲已甚清淨 善說戒之德 而具足得聞  
曉了於諸義 分別爲皆滿 皆悉知一切  
其心之所念 便以神足力 遊於億刹土  
巨億千方劫 無數恒邊沙 前世之所行

皆悉見了知 而便於是行 爲已逮五通

便因是前近 安隱無上覺 佛之所住者

皆為已得任 其未逮道者 當道求其義

於是視諸法 皆空無所見 便發踊躍意

歡喜無過者 一切諸魔眾 無能動其毛

疾逮得正覺 無上之最尊

天子復有四事法菩薩摩訶薩逮得不可思

議善權方便之功德何等為四一者逮前世

智慧功德二者其有無所依者寒凍者苦者

苦痛者愁憂者若見是輩眾苦毒者便發意

踊躍欲救之皆教令求佛道三者以諸法持

佛意繫於一切持前世久遠功德福祐勸助



復持一切過去諸佛福祐功德助皆令解脫  
憂苦放赦去離都持是功德奉上諸勤苦厄  
難者四者未曾發意不滿一切願亦未曾發  
意漏脫使人不至道道亦未曾令一切不至  
道如我心欲至道道亦迎我心如是智便迎  
於心心便逮道智持溫和拘舍羅於功德而  
增益不於法界有所壞於所可思議法所學  
無有馱足於諸功德亦不馱足如是作諸功  
德倍復無馱足不於心法有所亡心於功德  
亦無所亡常奉行於布施心清淨無所希望  
常奉持禁戒而不缺減於忍辱力而不動轉  
加於精進而不懈怠於禪三昧而不亂於智

慧而不愚常供養於一切而無所貪以慈報  
恩而無所憂思惟所生逮無所生憂其所說  
法憂欲令皆度脫天子菩薩行如是其有知  
小福者以漚和拘舍羅所作無央數不可量  
如是天子菩薩於是一切法逮得不可計智  
於諸法無所不知無所不了何以故天子一

切法空無相不願如是空不可計心逮得不  
可計作小功德持漚和拘舍羅所作無央數  
不可量何以故如道不可量心亦如是如是  
行不可量無邊際不可量法隨無邊際不可  
量法如是諸佛世尊道法亦復無邊際不可  
量復次天子菩薩以漚和拘舍羅於一切行



皆悉過上過上已隨一切人所喜樂布施者  
所求者說法者以法而度脫之復次天子菩  
薩已如是者逮得無央數不可計所行法則  
於布施持戒忍辱精進一心智慧皆悉具足  
於勤苦人無輕易之心於戒無所缺減以戒  
有所長益為一切人忍辱若罵詈輕易者皆  
悉忍之於精進合會諸善德於禪逮得諸定  
於智慧無所罣礙復次天子菩薩以溫恕拘  
舍羅於弟子而現行隨其法教化之自於內  
無所希望於辟支佛而現行以其法教化之  
於其內無所希望如是天子菩薩以是四事  
法得不可思議善權慧佛尔時說偈言

其苦凡有二  
并復能滅彼  
於法心亦介  
三世勤苦行  
以是功德福  
疾逮得佛慧  
心不於餘道  
視亦不可見  
法等如是等  
增益淨功德  
常住於道處  
豪華以自益

謂我及他人  
憂念一切人  
皆使解一義  
諸佛所行福  
奉上施一切  
令一切發意  
而復有所求  
道相心如是  
於我亦無我  
於身無所增  
是乃為求佛  
心恒存於道

自滅於我苦  
令心了道事  
用福一切人  
一切皆勸助  
於諸心所願  
皆學正直真道  
心不惓望道  
心相亦俱然  
自知見功德  
法界難思議  
其心未曾念  
精進而不懈



布施而無猷

常堅設於戒

忍辱亦如是

不造立人根

日日行精進

常自念身空

於禪而寂靜

慧能度一切

養育於一切

所任如蓮華

施與持清淨

不望於他人

常願求佛慧

諸法具了知

曉習一切法

其慧難思議

爲一切說法

而無有躓礙

若有應此行

是則爲菩薩

皆悉解了空

施少報無量

不想有與無

心未曾放恣

悉知一切行

如所願度脫

布施隨所欲

說法種降伏

旣施而無悔

於戒不虧缺

忍辱及精進

禪慧不自大

布施與持戒

忍辱及精進

於禪定三昧

慧施而降調

其於聲聞行

及與辟支佛

隨所樂度脫

於內而不隨

堅任於是法

菩薩無所著

權慧難思議

疾建降一切

復次天子菩薩有四事法一切法為一味為

一入為一說其智皆解達於眾義何等為四

如是天子菩薩於法界得一切智功德而無

所破壞信一切諸法皆空亦不於法界言是

我作非我作何以故是我作亦非不是我作

皆非所以者何壞諸不可習便逮得皆知一

切法智天子是為四事法菩薩得知一切法

為一味為一入為一說如是智為悉解達眾

智義如是知如是視若於俗若於道便以慈



轉法教若有行者行之若有恩者恩之若有  
住立者立之便以法住立之以法大悲而轉  
之不於衆法言念是尊者是爲卑亦不於入  
法亦不於行法亦不於若干法而有所見習  
知凡人法便復行凡法於凡人法亦無所舉  
亦無所下於是是一事壞習法亦亦便廣說一  
切法於諸法界不見有所壞何以故爲得一  
忍爲忍於空於忍空而不疑如一入諸法入  
亦爾如無所生入天子如是菩薩爲親近佛  
世尊無上正真之道亦不想念近佛不近佛  
何以故亦不見壞一事所以者何亦不見一  
切人異亦不見道異亦不見一切人亦復不

見於道佛爾時說偈言

不於法界言是非  
法界如是一切如  
已信於法一切空  
一切法寂得自在  
於法無見無能視  
若我學得如是者  
行應寂靜逮空藏  
皆知諸法爲寂然  
世最世間法皆知  
不斷於願願來願  
於無天數不可計

不於法界無所壞  
若不思惟不了義  
六衰久長與空會  
若一處空餘皆爾  
亦復無我不可護  
如爲審諦曉道意  
上與相隨諸法處  
於是寂靜無不可  
於是不疑不轉還  
聞法常念不懈慢  
其身所作不自見



展轉五道不見法  
凡人所習常念說  
亦復不舉亦不下  
一切法數皆悉知  
忍辱虛空等無異  
忍辱如虛無所念  
如無從生不生習  
如是親近無量道  
若我他人法如是  
天子菩薩復有四事法於甚深戒行不放逸  
何等爲四如是天子菩薩自思惟何等名爲  
戒如是自視身所行吾皆知身所行善口所

凡人羅漢乃能知  
如是之事羅漢法  
寂靜不受介乃知  
不於法界有所壞  
諸法虛空皆如是  
一切諸法入一智  
如是所行道不難  
於是心念無懈倦  
所求無得則覺道

言善心所念善是名曰為戒云何身所行口  
所言心所念不犯身事不殺不盜不婬是名  
為身行善云何口所言善不惡口不兩舌不  
妄言不綺語是為口所言善云何意所念善  
不嫉不恚不邪見是名為意所念善如是為  
目視悉見用是故皆具得如身口意所行不  
作是事無有能普說其德者亦不青黃赤白  
紅不離色亦不眼識而可識如是亦不意識  
分別而可識何以故於是不生無所生於起  
無所起如是不生無所生不起無所起於是  
便逮得無能說普演之德是時心安住而不  
搖如是不相逢無能普演如是無有能普演



說亦不自言我能作是說作是行者心亦不  
 可見如是說心戒亦復不可見迹如是天子  
 菩薩逮得甚深戒之德復次天子菩薩逮知  
 離所見身功德知於所見無所起若戒若惡  
 戒等無所住復次天子菩薩逮得住入甚深  
 法要作如是祠諸所學事深遠之行皆悉行  
 於一切諸乘行皆悉行是名曰為戒如是行  
 為不自欺亦不欺他人如是者名曰甚深戒  
 復次天子菩薩得不犯戒不虧戒不亡戒云  
 何菩薩不犯於戒不虧於戒不亡於戒天子  
 能自護者便能護於戒天子自知者便能知  
 戒不輕易於戒於所學無所缺於戒而不亡

用是故不亡於戒一切他人法皆悉知何所  
是他人我為在何所亦不恨他人亦余天子  
用是故能度脫一切人天子是為四法菩薩  
得甚深戒而不放逸佛余時便說偈言

身口意所行 法潔淨復淨 其行勝珍寶  
是戒應菩薩 是十無過上 點持護菩薩

身口意不虧 是戒為最點 不作亦不生  
於生而無生 無種無處住 無智云何得  
不會不作戒 眼視不可見 亦非耳鼻口  
非身意所識 不造六情根 所住亦無處  
是戒甚清淨 戒亦無所住 守戒不放逸  
於戒無我想 護戒無戒想 以是得深戒



於是見身行  
於戒無想念  
滅有便能護  
無我亦無戒  
空寂戒無念  
寂戒不思惟  
戒亦無我想  
不為不善戒  
戒有想為癡  
不脫於五道  
戒亦無所見  
不增不善戒

離於諸所見  
如律入深法  
於戒無異想  
是說為恐懼  
寂靜戒無著  
不虧戒無上  
是則甚深戒  
一戒具衆行  
無戒言守戒  
遠離諸所見  
不畏於五道  
於我而無病

不隨妄見處  
諸行皆辯畢  
有我便有戒  
知我則有戒  
空寂戒無時  
於戒不貢高  
於戒甚勇捍  
一切法回得  
是為滅戒果  
我所皆不用  
視不見為見  
習戒皆悉見

道神足無極變化經卷第一

被

巴質

樹上伯麻  
名別

反  
六  
畫  
度  
利  
天

無鞅

下音  
央

駛流

二使  
音史

很

疾也  
只作

胡作  
良懇  
字反  
乎亦

點

演音  
智閑  
也八

踰過

反上  
越羊

也朱  
謂

漚

衣此  
甲言  
也也

侯反  
拘舍  
上苦  
亦作  
古反  
略也

下音  
羅此  
為反  
下音

勇悍

下反

胡旦  
猛也

勤

下音  
力音

粗舉

上才

反

下音  
和

漚

便

星

疑

一本  
作

星  
義

駮

缺

當目錄只有三卷  
藏分作五卷





